



Bernameya civaknasiyê

KURMANJI

**Bernameya civaknasiyê
bernameyeka amedekirinê
ji bo xwendina bilind e û
bidestxistina dîplomeya
amadebûna ji bo xwendina
bilind armanca wê ye.**

Bernameya civaknasiyê ji te re ye yê ku hez dike bizane ka çawa mirov û civak bi awayên cuda îro pêş dikevin û kar dikin. Ev xwendin ji bo domkirina xwendinê di warekê fireh yê civaknasiyê de di perwerdeya bilind de bingeh e.

SÊ PISPORIYÊN CUDA

Reftarnasî

- Tu dê zanyariyan li ser mezinbûn, civakbûn û hevahengiya mirovî werbigirî. Tu dê baştir tê bigehî ka mirov wek kes, endamê komekê û welatîyê civakekê çawa tev digere. Tu dê têkildarî, fêrbûn û rêberiyê bixwînî.

Medya, înfirmasiyon û komunîkasiyon

- Tu dê zanyariyan li ser rola medyayê di civakê de, teknîka medyayê, rojnamevanî, înfirmasiyon, reklam û awayên dualî yên komunîkasiyonê werbigirî. Tu dê bixwînî ka çawa medya tesîrê li nêrînên mirovan û têgihîştina cîhanê dike.

Civaknasî

- Tu dê zanyariyan li ser avahiya civakê û şertên jiyana mirovan werbigirî. Tu dê bi rêya şirovekirin, wesifkirin û bikaranîna metodên civaknasî zanîna xwe li ser pirsên civakê yên cuda firehtir û kûrtir bikî.

Tiştên ku tu di vê bernamê de fêr dibî

Tu dê zanîna xwe li ser rewşên civakê li Swêdê û cîhanê pêşde bibî. Tu dê zanyariyan li ser ka çawa kes û civak hevahengiyê bi hevûdin re dikin û ka çawa şertên jiyane yên mirovî di dîrokê de hatine guhertin. Tu dê mirovî wek kes, endamê komê û welatîyê civakê bixwînî. Tu dê avahî, çalakî û wezîfeyên civakê bixwînî. Tu dê ji aliyên aborî, civakî û siyasî ve li ser pirsên demokrasî, têkildarî, exlaq, zayend, jîngeh û desthilatê hizir bikî.

Bernameya weha hatiye rêxistin

Madeyên dersê di bernamê civaknasiyê de madeyên lîseyê yên hevbeş in: îngilîzî, dîrok, werziş û tenduristî, matematîk, zanist, zanyariyên dînî, zanyariyên civakê û zimanê swêdî yan swêdî wek zimanê duyê. Di bernamê amedekirinê ji bo xwendina bilind de, tu kursên teorîk yên zêdetir ji yên bernamê pîşeyî dixwînî.

Madeyên taybetmend yên hevbeş yên bernamê ev in: felsefe, zimanên serdem û psîkolojî.

Îmkan heye ku tu di bernameyê de xwe pisportir û zanatir bikî. Ji wê re bernamekûrkolîn (programfördjupning). Ev dikare madeyên wek wêne, afirandina dijîtal, berhemên film û tv-yê, felsefe, cografîya, komunîkasiyona grafîk, civaka ava, hiqûq, huner û kultur, rêberî û rêxistin, komunîkasiyona medyayî, zimanên serdem, perwerdekarî, psîkolojî, zanîna civakê û civaknasî bin. Ji xwendîngehê bipirse ka ew kîjan kursên kûrlêkolînê dide.

Hilbijartina ferdî jî heye ku tu dikarî wê ya ku tu dixwazî bixwînî hilbijêrî. Ji xwendîngehê bipirse ka kîjan kurs hene.

Awayên xebatê

Di vê bernameyê de, tu dê rêbazeka zanistî û rexneyî ya wisa pêşde bibî ku tu pê fêr bibî biryarê bidî ka îdîa li ser rastiyan ava bûne û nirxên ku di corên cuda yên çavkaniyan de hene ji hev cuda bikî. Tu dê bi metodên hilsengandina çavkaniyan li agahdariyan bigerî, wan vewijêrî/bineqînî û li ser bixebitî.

Tu dê şiyana xwe ya hevkarîkirin, behremendbûn, karkirina bi serê xwe, berpirsiyarîgirtin, dîtina îmkanan, însiyatîvgirtin û xebitandina fikiran bo kiryanan pêşde bibî.

Projeya lîseyê

Tu dê di dawîya Bernameya civaknasiyê de projeyeka lîseyê amade bikî. Tu dê pîrsekê hazir bikî û karekê mezin yê ku li ser warên zanyarî yên giring yên bernameyê ava dibe plan bikî, pêk bîni û hilsengîni.

Balkişandin

Giring e ku tu xwendina xwe plan bikî heger tu bixwazî şertên taybetî yên xwendineka bilind bi dest bixî. Heger tu bixwazî hêjî bixwînî, li gel rêberekê xwendin û pîşeyê biaxive.

Hergav mafê te heye ku tu di çarçoveya hilbijartina ferdî de kurseka din ya zêde di warê werziş û tenduristiyê de bibijêrî.